

**TADICATAPOA AI DIA EAHUIQUIBOPO BIYOPO**  
(Jénesi 1,2)

Dia eabetsotacatapo tseiñeo  
Tadicatapoa baepa, eohua eimea. Datsio  
eohuamo enaja bídyilóa pehue. Patai-apoda  
pome pehue epo, zeti, badi, tóhuaicana  
tsá-aihue pojo. Batso joda mimi: "Amae  
potaesahua." Atao, amae poíbo. Huada da  
dia eanipo ajái eba. Da amaepomo "tseiñe  
papo" ea. Apodapomo "sisa papo" ea.  
Eabetsotapo tseiñeomo daocua pehue ea.

Hueno-isha dipa mimi: "Ena ma-ai  
baepao jataesahua." Atso huada ena ma-ai  
baepao eahuiquibo.

Hueno-ishamo dipa mimi: "Ena matsi-i  
pehue pajá. Datsihue-isha zada poi papo."  
Dipa mimio dia poánaibo. Da dipa apetso  
bisha dipa mimi: "Eiye, acuicana eohuao  
paponeti. Jajaipoípocana paponeti.  
Janacana paponeti." Dipa mimio acuicana,  
janacana dáocuacuahue neti pódada epo. Da  
dia eanipo ajaicata eba, Tadicatapoa.

Hueno-ishamo dipa mimi: "Amae  
poípocana baepao pa-ani, huada eohua  
pabiamanetitapojo." Dipa huada zeti,  
badi, tóhuaicana imeame ea. Tseiñe amae  
papopojomo zeti dia a. Sisa amaemasha  
papopojomo badi, tóhuaicana dia ea.  
Dipahue badimo, tseiñetopoi poi ea. Dipa  
apetso da dia eanipocana ajaicata eba.

Hueno-ishamo dipa mimi: "Jaecana paneti, enao jáipocana enao paja. Bónicana baepa emae paponeti." Dipa huada enaopocana imeame ea, bonicana imeame ea. Dipa imeanae huada jodacana ecuae: "Mesasatique. Ezoecana apamo meaque" ea.

Hueno-ishamo dipa mimi: "Eohuao huáenicana, tenaicana papoja." Dipa atso, huada mezimetse dácana eimeape. Dipa apetso huada dácana jaidyacata eba. Dipa atso, joda, hua todinae, shama jaidyaponae cana dipa mimi: "Cuádaja cuada batahue-ishapo imeatsobale. Tsédapocana imeatsobale, huada eohuao, huáenicana, bonicana, jáecana pacuiñatapojo." Potsohue huada tata peadahue eimea, mezimetse. Atso, huada joda jánamiquimehue ea. Eizeneti metso, "Adana" bánime ea. Joda Tadicatapo batahue masha cuaeso pocuae. Tadicataponae mimimane. Atso, Tadicatapoa lele jaidyacuemepo me-a, tata Adana poi. Edene eiyeo, manolaijiyo dia ea. Jodo janacana acuijajacana dáocuacuahue póneti pódada me-a. Lele doeteo, netimatamahue

poípo acui peadahue ea. Dipahue dápejo  
jaidya poípocana masahue poípocana  
nimebamane poípo acui peadahue ea. -Atso,  
huada tata Adana do nétime, huada joda lele  
pabiabatapojo. Dipa atso, dipa nime ea:  
"Tata Adana pehue netitsomo ajái pipoma."  
Dipa atso, Tadicatapoa huáenicana,  
ténaicana, bonicana Adananajo dócuaiñape.  
Docuaiñapetao, Adanaja jodacana bánipe.  
Hua eatsahuai poi jaipicatapomo bale  
tsa-ai. Dipa batso, Tadicatapoa Adana  
tahui-anamepasitso pé-atsa peadahue méjemi.  
Jodá pe-atsametse mama ea. Atso, huada  
joda Adana etia. Joda mama eimeatini batso  
Adana dipa mimi: "Ojomo quima etsoámetse,  
quima emimetse eimeatanipo. Ojomo 'mama'  
jejeme pó-ani, Tadicatapoa tataja  
pé-atsametse dia eatani batso" tata Adana  
epo.

Tadicatapoa dipa ea batso aisé tata,  
mama jemiquitso, huada huadi tadi méiyamasha,  
huánenae pehue panetidyea-ezae. Dipa huanei  
poánitsio peadahue cuicha poi batahúe  
poanamane.

Tata Adanaja huahuane "Eba" bánime ea.  
Huatseda cuíchahue bime pibisoma, ai  
masahuepo pibabama pojo.

Tsio, Tadicatapoa huatseda dipa  
cuaeme ea:

--Huócuatiyoa mepoque, eohua-idyadae  
tsédapocana panetipojo. Ojó eohua yama  
aiqui tsédapocanaja poi. Dácuichae  
pónetipocana danae dia ashapai. Jáecana,  
bonicana, huáenicana mecuiñaque. Jajai  
poípocana, janacana dáocuacuahue ya aja,  
tsédapocanaja paditapojo. Huáenicana, ja,  
ténaicanaja, bonicanaja dipahue paditapojo  
da ya dia eani. Dácana mediaque.  
Léledoeteopo acui, masahue poípocana  
nimebamane poípo, joda jájamo pidyima  
atsobale. Joda ditsomo emanae jameiyatibo,  
tsédapo misiohua manoíbo-odi pótsaneibo.

Dipa apetso, huada joda  
imeataiquipocana shamanae "jaidyacue ya ai  
eani" epo. Dipa daocua 6 tseiñeme pehue ai  
eimeape. Huenomo jánahuatseiñe pehue  
Tadicatapo. Dipa huada jodá tseiñe  
pe-ishapo tseiñe poi ea.

**JODA HUATSEDA, DIA EABETSOTAPO DETSE,  
DIA A-ATAISI EPOPO BIYOPO  
(Jénesi 3)**

Tadicatapoa dipa apetao tata Adana,  
mama Ebanae Tadicatapoa eapo jaidyacuemepo  
leleo nétisa detse.

Dátsiomo nai pi-oloma polelajai. Nai  
a-odi pipoma epo. Tadicatapoa shalada  
metse pehue ai pónetipocana name-odi ea.

Datsio dipahue di-abolo, tsetseshapo  
shama, eohua poja. Ai sipai jabatitso,  
bacuá poi potso, huada mama Eba huabea.  
Dipa huabeame atso huada mama Eba dipa  
cuaeme ea:

--Joma acuijajacana diquemahue tocue  
metse ata, Tadicatapoa? --eaneti.

Bacuaaja dipa cuaetao, mama Ebaja joda  
ecuae:

--Cuipeádahue bale "pidyima aque" ata.  
Jodá sichotso, ditsomo manoíbo-odi  
pótsaneibo. Itsobabishapo pehue atsobime,  
dipahue. Dápejelijepocana bale "poetihue  
dime meaque" tsema ata --ea.

Atao, bacuaja joda cuáecata:

--Jime da ditsobime pimanoma po pohue tso dia bame. Da ditsocuichiji bahuepidyacata po pohue tso dipa. Tadicatapo-isha batahue poíbo. "Mipa atso ajái, mipa atsobale masahue" bamehue po --dipanoshi cuaeme ea.

Dipa bacuaja cuaeme apetao, mama Ebaja acuijaja shámacata. Shamanae dipa nímeba: "Janapoi ajaicata sha? Quenaicata jaidyacueme batame ditso. Quenaicata abahuepia poi." Dipa atso sichotso disha. Atso, mama Ebaja tata Adana bisha tídyea-isha. Atao, huadabisha eña.

Dipa dipeme atsohue huatseda cuíchahue  
jabatimehue poána. Bisojae poána. Potso,  
huatseada acui-iña apai-iyopo licuilicuiatso  
jaibadali ea.

Tsiohue eaponanio huatseada, Tadicatapo  
jodo leleo poyoa tsabajatso, acuicana dójojo  
lóbonetineti. Dyamo Tadicataponae aiyo  
bátini jabatitso dia epo. Tsio, Tadicatapoa  
mipa jejeme ea:

--Tánibi tata Adana. Quetsoi po-o-eti.



Atao, Adanaja jeje:

--Ohué ema. Midya tsabaiquitso, ema  
queoli poani. Cuíchahue jabatitso, dia  
poáni. Dipa jabatitso lóbotini.

mama-atacana peadajamo midya dipa asha-odi  
alelajaiposhili da mehueya  
méhuiquiataibo-ani. Midyaja bale huada  
a-odipo mehueyaibotoa pipoma --ea.

Atso, mama Eba bisha huada ecuae:

--Midya dipa poeti batso, midya  
todilipi jaidyaohue eanitsio nedacueme mi  
balelajai e-ani. Dipahue miqueda eahuéami  
ilo-odi e-atani.

Atso, tata Adana bisha huada ecuae:

--Yama eaniohue pehue pojaepoi poeti.  
Cuehuá miqueda huanea eataniohucata  
po-o-eti. Dipa batso, yama eohua  
másati-aibo-ani mae. A-asapocana,  
cuizaipocana móloemepeibo-ani mae. Dyamo  
behuehue modotso sahuadoatso pehue midya ai  
díneti-odi pótsaneibo. Eizeneti tsonoime  
mi dia pó-ani. Dipahue, miqueda emei,  
mezimetse eapo, esichanatso mánoibo.  
Noahue mezipoi poíbo-isha --ea.

Dipa cuaeme apetsohue, Tadīcatapoa  
huatseada poi jaibai me-a huénibiqui  
metse. Atso dāmetse jáibaeme. Dipa atso

huada huatseda jodo jaidyacatapo léleomo  
shéhuihuiquibo. Huatseda shehuihuiquibotso,  
huada hua-eiloi shama beta jodo néttimeibo,  
joda lele pabiabatapojo, aiyaja  
netimatamahue poípo acuijaja noahue  
pidyiboma-isha pa-atapojo.